

Сийрат дарслари (121-дарс). Шайтон инсоннинг қонюрар жойида юради



14:00 / 29.01.2021 4382

471. Алий ибн Ҳусайндан ривоят қилинади:

«Набий соллаллоҳу алайҳи васалламнинг жуфти ҳалоллари София розияллоҳу анҳо айтди: «Набий соллаллоҳу алайҳи васаллам масжида эътикоф ўтирган эдилар. Кечаси у зотнинг зиёратларига келдим, бироз гаплашдим, сўнг уйим томон турдим. У киши кузатгани мен билан турдилар. (Унинг маскани Усома ибн Зайднинг ҳовлиси ўрнида эди.) Шу пайт ансорлардан икки киши ўтиб қолди. Улар Набий соллаллоҳу алайҳи васалламни кўриб, тезлаб кетишли. Шунда Набий соллаллоҳу алайҳи васаллам: **«Шошманглар, бу (аёл) София бинт Ҳуяй»,** дедилар. «Субҳаналлоҳ, эй Аллоҳнинг Расули!» дейишди. **«Албатта, шайтон инсоннинг қонюрар жойида юради. Мен қалбларингизга шайтон бирор нарса солиб қўйишидан қўрқдим»,** дедилар».

Бухорий ва Муслим ривоят қилишган.

472. Абдуллоҳ ибн Умар розияллоҳу анҳумодан ривоят қилинади:

«Набий соллаллоҳу алайҳи васалламнинг саҳобаларидан баъзилари тушларида Қадр кечасининг охирги етти (кеча)да эканини кўриши. Шунда Расулуллоҳ соллаллоҳу алайҳи васаллам: **«Сизларнинг тушингиз охирги етти кечага мувофиқ келаётганини кўряпман. Ким, у(кеча)ни**

излайдиган бўлса, охирги етти (кеча)дан изласин», дедилар».

Бухорий ва Муслим ривоят қилишган.

Бошқа ривоятда шундай келган: «Бир киши Қадр кечаси йигирма еттинчи кеча эканини туш кўрди. Шунда Набий соллаллоҳу алайҳи васаллам: «**Сизларнинг тушингиздаги охирги ўн(кун)ликда эканини қўряпман. Демак, уни тоқ** (кеча)да изланг», дедилар».

Муслим ривоят қилган.

Бошқасида шундай дейилган: «**Уни** – яъни Қадр кечасини – **охирги ўн(кун)ликда изланг. Агар бирортангиз заифлашса ёки ожиз бўлса, қолган еттида енгилиб қолмасин», дедилар».**

Муслим ривоят қилган.

«Расулуллоҳ соллаллоҳу алайҳи васаллам» китобидан